

06 APRILIE
RUGACIUNEA
SF.CUVIOS-MARTURISITOR
SEBASTIAN FOMIN
DE LA OPTINA

МОЛИТВА

О, пречестная и священная главо, благодати Святаго Духа исполненная, Спасово со Отцем обиталище, старцев оптинских учениче и преемниче, града Караганды светлейшее украшение, Казахстанския страны богодарованный молитвенниче, Церкви Русския пастырю богопрославленный, сирым и вдовицам заступниче, немощных врачу безмездный, правило веры и благочестия, преподобных сожителю и мучеников сопричастниче, богоносне отче наш Севастиане досточтиме! К тебе усердно прибегая, моление теплое приносим: от сокровищницы твоея подаждь и нашему убожеству; смирением твоим нашу гордыню низложи; безстрашием наша страсти попали; бодроствованием лености навик от нас отжени; слезными токи наше нечувствие

пробуди; бдением от нерадения нас возстави;
молитвами и в нас пламень молитвы возжги;
любвию нас братолюбны сотвори; подаждь же
нам дух кротости и смирения, дух чистоты и
благочестия; от страстей многонедужия нас
свободи и ко истинному покаянию приведи. Ты
бо во уме твоём непрестанно имел еси на Кресте
Распявшагося за нас Сына Божия, Того
сладчайшее Имя во уме и в сердце непрестанно
имети и нас научи, да любвию Тому пламенея,
страшный оный день судный сретити
уготовимся, и в Царствие Небесное внити с
тобою сподобимся, славити и воспевати
Триединую державу Бога нашего: Отца и Сына
и Духа Святаго во веки. Аминь.